



Ek wil asb inteken op Verskil / Kanselleer asb my intekening op Verskil

- ❖ **Kontak ons by** tel 012-440 6525; e-pos: hermien@noordsin.co.za of kom **besoek ons by** Sinodehuis, Steve Bikostraat 125 (B), Sunnyside.
- ❖ **Noordelike Sinode se facebook** (<http://www.facebook.com/noordsin>) en **twitter** (<http://www.twitter.com/noordsin>)
- ❖ **Kampterreine:**
 - **Badseloop:** *Vir besprekings, kontak Francois Genis, 071 777 9302, epos badseloopjeugkamp@gmail.com*
 - **Emmarentia Geldenhuys (AcaDeo):** *nuwe webwerf: www.egst.co.za*
 - **Magaliesberg: Willem Rautenbach - 0717916039 of magaliesbergjeugkamp@gmail.com of Facebook by <https://www.facebook.com/magaliesbergjeugkamp/>**



16 Februarie 2018
Nr 5/2018

Warm nuus!

❖ Ringsontwikkeling

Die laaste geleentheid waar ringskommissies die geleentheid gaan kry om bietjie saam te dink oor hulle rol vind op **19 Februarie 2018** [09:00-12:00] by NG Pietersburg-Noord plaas.

❖ Michael Moynagh oor: Gestuurde Kerkwees

Gratis bywoning vir leraars van Noordelike Sinode wat voor 20 Februarie vir Hermien kontak by 012-440 6525.

➤ As jy meer oor Mike Moynagh en sy teologiese insigte wil weet, [klik hier](#)

Besonderhede

Datum en tyd: **22 Februarie 2018** 10:00 -15:00

Plek: Lux Mundi Gemeente, Florisstraat 685, Garsfontein, Pretoria

❖ Projek: Water-Hoop

'n Vriendelike beroep word op gemeentes gedoen **om drinkwater in te samel en te versend** na die *Groote Kerk in Kaapstad*.

- Skole in die gemeentegrense kan dalk ook vir die projek betrek word.

Adres: Kloofstraat 55, Gardens, Kaapstad 8001

Navrae: Gemeentes en individue is ook welkom om met ds Riaan de Villiers kontak te maak oor reëlings in die verband by riaan@grootekerk.org.za of 084 795 2223.



Sinodale nuus

❖ Bybel-lees met 'n verskil

Die **volgende byeenkoms** vind om 11:00 by **Blue Crane Restaurant** plaas:

** 20 Februarie: Skriflesing: Genesis 17

Navrae: Fanie Cronje (083 415 1452) en Kobus Myburgh (083 227 7185)

❖ **Skoliekamp: 2-8 April 2018: Graad 11 & 12**

Dit is amper weer tyd vir skolliekamp!

Ken jy iemand in graad 11 of 12? Dan moet jy hulle persoonlik (of ten minste op fb ;-) nooi) om saam te kamp.

Sinodes Noord en Oos vat hande: Ds Johan Avenant skryf: "Badseloop kampterrein was hierdie jaar nie beskikbaar dat ons, ons Skoliekamp daar kan hou nie (Hansie-week rugby). Die kampbestuur het saam met Oostelike sinode se kampbestuur besluit om hierdie jaar 'n **gesamentlike kamp** saam met hulle op hulle terrein **Kruisrivier** te hou. Van ons hoofspan gaan ook daar by hulle bestuur deelneem. Hier is die inligting sodat jy kan inskryf as personeelid of Skolie.

❖ **Vir inligting oor die kamp** en die **kampterrein**, besoek: Skolliekamp 2018 Mpumalanga / Gauteng en Kruisrivier Kampterrein.



❖ **Badseloop Gedenkblad**

Twee rolspelers in die ryke geskiedenis van Badseloop Jeugkampterrein sal vir altyd uitstaan - ds Norval Geldenhuys en oom Vick van Zyl.

Die tyd het nou ryp geword om die geskiedenis van die afgelope sowat 75 jaar, en die reuse invloed wat van daar af uitgekring het, op skrif te stel!

U hulp word ingeroep om hierdie kennisgewing so wyd as moontlik bekend te maak!

Ons benodig onder meer:

- ① *Getuienisse en foto's* (1-4 MB) van lewensbelangrike keuses en verhoudinge wat aldaar sy grondslag gevind het;
- ② *Brokkies geskiedenis* wat vir die koninkryk, kerk en nageslag in herinnering geroep en bewaar moet word;
- ③ *Staatjies* van gebeure wat daar plaasgevind het, en ter wille van inspirasie deur ander gelees moet word;
- ④ *Donasies* - die Bestuurskomitee én Beheerraad versoek dat inbetaling per internet soos volg sal geskied:

Badseloop Jeugkampterrein; ABSA; lopende rekening: 10-8014-1862; takkode: 632 005

Donasies van *individue* moet asb. die volgende verwysing vermeld: BGB; gevolg deur u van, naam/voorletter(s);

Donasies van *instansies* moet asb. die volgende verwysing vermeld: BGB; gevolg deur naam van gemeente, (bv).

Bydraes, navrae, wenke of aanbieding van hulp (vir oorweging deur die loodskomitee) moet asb. gerig word aan: **dr. Willus Knipe**; e-posadres: willus.knipe@gmail.com; sel nr: 082 447 1297



Kollegaanuus

❖ **Beroep/bevestiging**

(prop) **Ronel Coertzen** het 'n beroep na die Hervormde gemeente Makarios in Birchleige Acres ontvang. Haar ordening en bevestiging vind op **11 Maart 2018** om 09:00 plaas.

❖ **Verjaarsdagwense** *Hartlik geluk aan die volgende persone met die herdenking van hul geboortedag:*

20/02 Gustav Claassen [Monumentpark, 082 856 1943, gustavcl@mweb.co.za]
 Peet Crous [Lynnwood, 079 893 5572, peetcrous@gmail.com]
 JZ de Jager [Thabazimbi, 072 475 8152, jzjager@gmail.com]
 Bernard Rademeyer [Emeritus, 083 231 3033, bernardrademeyer1@gmail.com]
 23/02 Pieter Grobler [Emeritus, 083 268 9842, pbgrobler@gmail.com]
 25/02 Drian Viljoen [Kameeldrif, 084 608 2859, drianviljoen@gmail.com]

 21/02 Hanneke Claassen [Monumentpark, 082 856 1943, gustavcl@mweb.co.za]
 23/02 Lene Viljoen [Kameeldrif, 084 608 2859, drianviljoen@gmail.com]
 Jennifer Botha [Andrew Murray, 082 873 2528, stefan@drcamp.co.za]

Gemeente nuus

❖ **Verjaarsdae: Baie geluk!**

Daspoort (Gestig 24/02/1922)

❖ **Pretoria: Nagmaalservies teen 50% afslag te koop!!**

*Broodborde (silwerverplaat) 27cm R998 nou slegs **R499** elk

*Ovaal Kelkiestaanders 24 gaatjies (silwerverplaat) R1652 nou slegs **R826** elk

*Ovaal Kelkiestaanders 40 gaatjies (silwerverplaat) R2300 nou slegs **R1150** elk

Navrae: Kontak asseblief die kerkkantoor by 012 344 1860



Ander nuus

❖ **Excelsus kursusse**

Publieke lesing: Dr Michael Monyagh (Fresh Expressions)

Datum: 23 Februarie 2018

Tyd: 09:00 - 12:00

Venue: Eeufeessaal (Kamer 2-10), Fakulteit Teologie en Religie, Universiteit van Pretoria

Koste: R50 betaalbaar met registrasie by die geleentheid - Studente : gratis!

RSVP: 20 Februarie 2018 na excelsus@up.ac.za

Voltooi asseblief die inskrywingsvorm en stuur na excelsus@up.ac.za: [Kliek hier](#)

VBO-punte: 3 VBO-punte

Hermeneutiek Konferensie: Hoe verstaan ek wat ek lees [[Lees hier meer...](#)]

Datum: 5-6 Maart 2018

Brightstar Leierskapontwikkeling vir persone in die bediening (18 VBO-punte)

Hierdie Bybelsgebaseerde program sal jou help om jou lewensdoel te ontdek en jou bemagtig met kennis en vaardighede om 'n betekenisvolle en invloedryke lewe te leef. Die program fokus sterk op die beginsel dat ons verantwoordelik is vir die verandering wat van binne na buite plaasvind.

Datum: 5-7 Maart 2018 [RSVP asseblief voor of op 28 Februarie 2018.]

Tyk: 09:00-16:00

Plek: Soul Matters Centre, 174 Duxbury weg, Pretoria

Koste: R1 200.00

Kontak Mickey by info@soulmatters.org.za of bel 066 201 2552.

Tydsbestuur vir persone in die bediening (6 VBO-punte)

Ons tyd is min en take baie. Die druk waaronder ons verkeer vereis effektiewe tydsbestuur. Leer noodsaaklike vaardighede aan om jou tydsbestuur en effektiwiteit te verhoog.

Datum: 19 Maart 2018 [RSVP asseblief voor of op 14 Maart 2018.]

Tyd: 09:00-16:00

Plek: Soul Matters Centre, 174 Duxbury weg, Pretoria

Koste: R500.00

Kontak Mickey by info@soulmatters.org.za of bel 066 201 2552.

A two-day symposium: with renowned Preacher and Homiletician **prof Tom Long**

Theme: Preaching from Memory to Hope

When: 19 & 20 March 2018 [09:00-16:00]

Where: NG Stellastraat

Cost: R 480-00 (inclusive of lunch and refreshments)

➤ **Voltooi asseblief** die **inskrywingsvorm** en stuur na excelsus@up.ac.za: [Kliek hier](#)

Zama-Zama : Jaarkursus in pastorale opleiding, berading en gemeenskapsdiens

Datum: vanaf 1 Maart 2018 tot 28 Februarie 2019!

Status van kursus: Sertifikaat. Geakkrediteer deur Excelsus Sentrum vir Bedieningsontwikkeling van die Teologiese Fakulteit by die Universiteit van Pretoria, **120 VBO punte**

Registrasie: Tot en met **29 Februarie 2018**

Navrae: Dr Jan Botha (012 5463545 of 076 481 5683 / E-pos: alfa@hepl4you.co.za) of dr Retha Kruidenier (012 329 1352 of 082 413 8462 / E-pos - retha@geo-logic.com)

Webwerwe: alfapastoralepraktik.com of zamamazahope4u.com

❖ **Sentrum vir Spiritualiteit:** Ring van Suidoos-Pretoria

➤ **Retreat** : gelei deur Willem en Joke Nicol

Datum: **13-15 April 2018** by Good Shepherd langs Hartbeespoortdam

Tye: Vrydag **13 April** (18:00) tot Sondag **15 April** (na middagete)

Tema: MY KRAGBRON - Met "glo" bedoel Jesus gewoonlik geloof in God se krag vir die hier en nou.

Koste R1450 (enkel), R1310 (deel). Dit sluit jou verblyf, beddegoed en 6 etes vir die hele naweek in.

Inskrywing: Stuur 'n epos aan wnicol@mweb.co.za - Sodra jy antwoord ontvang dat daar plek is, betaal die volle bedrag of R500 deposito na die volgende rekening: NG RING, ABSA, 9328323743

Merk die betaling soos volg: retreat April, van, noemnaam

- Finansiële ondersteuning beskikbaar.

➤ **Retreat:** Onder die vaandel van Mosaïek gemeente [*Oop vir alma!*] - gelei deur Willem en Joke Nicol

Datum: **12-14 Oktober 2018** by Origins (retreatsentrum van Mosaïek-gemeente naby Krugersdorp).

Tye: Vrydag **12 Oktober** (17:00 aankoms) - Sondag **14 Oktober** (11:00 vertrek)

Tema: MY KRAGBRON (vir Jesus is geloof hoofsaaklik geloof in God se krag)

Koste vir die hele naweek: R1120 (enkel), R890 (deel met een persoon), R650 (slaapsaal, in eie hok). Dit sluit jou verblyf, beddegoed en alle etes vir die hele naweek in.

Inskrywing by Ina van der Merwe retreats@mosaiek.com of 072 435 4648. Meld: retreat 12-14 Oktober.

(Algemene inligting by www.originsretreat.com).

❖ **Missionale gemeentebou en jeugbediening:** **Studietoer 12 na die VSA**

Onder leiding van Malan Nel

Datum: **26 Oktober – 21 November 2018** [[Lees hier verder...](#)]

❖ **Nuusbriewe**

- **Bybel-Media nuus** [Besoek www.bybelmedia.org.za] - Hierdie week is die fokus op die jongste *Kerkbode*, Maart-uitgawe van *LiG* en die *Missionale Kerkwees Gespreksbord*. [[Lees hier verder...](#)]
- **CLF-nuus** [Kontak CLF by (021) 873 0396 of epos order@clf.co.za] - ***Silence and Solidarity - Celebrating 30 Years of the Centre for Christian Spirituality*** - Onder redaksie van Laurie Gaum, Sally Argent, Anne Hahn en Louise Cull.

Hierdie publikasie gee aan 'n mens 'n kykie in die 30 jaar wat die Centre for Christian Spirituality / Sentrum vir Christelike Spiritualiteit reeds bestaan.

Die sentrum met sy Anglikaanse wortels, het as die "Institute for Christian Spirituality" ontstaan. Die verlangete van die destydse aartsbiskop Desmond Tutu, wat diep betrokke by die stigting was, was dat iets van "the church at prayer" in die sentrum weerspieël moes word. Die instituut wou in moeilike tye in ons land aan geestelike leiers ruimte gee vir stilte en gebed. [Klik](#) hier om die volledige resensie te lees.

Gebedslys

Hiermee 'n vriendelike uitnodiging aan ons lesers om enige sake vir voorbidding aan ons te stuur by hermien@noordsin.co.za.

- Dankie vir reën wat in groot dele van die Kaap en elders in die land geval het.
- Drinkwater vir die Wes-Kaap
- Politieke situasie in Suid-Afrika

Vakatures, aflosposte en aflos-aanbiedinge


❖ **UP Fakulteit Teologie: Gelegitimeerde proponente 2017**

- ❖ **Jeanri Bezuidenhout** [074 893 2836, jeanri.bez@gmail.com]
- ❖ **Camille Castelyn** [079 506 5117, camillecastelyn@gmail.com]
- ❖ **Willie Griesel** [083 491 0657, wjgriesel@gmail.com]
- ❖ **Johan Koen** [082 393 2944, koenj@yahoo.com]
- ❖ **Henk Kotzé** [083 479 9411, hskotze@yahoo.com]
- ❖ **Christian Oberholzer** [082 349 7317, Lnet@telkomsa.net]
- ❖ **Marius Schoombie** [083 635 1523, mariusschoombie@gmail.com]
- ❖ **Werner Smal** [079 883 2729, wernersmal777@gmail.com]
- ❖ **Adelle van Rhyn** [082 881 9788, dellatjie777@gmail.com]
- ❖ **Francois van Tonder** [073 179 0017, francoisv3@gmail.com]

❖ **Vakatures in Kerkbode geadverteer**

Besoek: <http://kerkbode.christians.co.za/category/vakatures/>

Ten slotte



BYLAES

Bybel-Media Nuusbrief 3 / 2018

Lees in die jongste Kerkbode ...

Kerkbode van 16 Februarie 2018 het twee sterk verhale waarin versoening 'n sentrale tema is. Die een kom uit Coligny in Goudland-sinode, en die ander uit Graaff-Reinet in die Oos-Kaapse sinode.

Lees ook hoe dominee Nico Swart wonderlike kollegas tydens sy pelgrimstog gedurende sy Sabbatsverlof ontdek het.

Daar is verhale oor 'n groentetuin op 'n sypaadjie, 'n beloofde land in Ga-Rankuwa en 'n leesprojek vir kinders.

Lees verder oor die kerk se reaksie op die droogte, oor die jongste verwickelinge in die hofsak oor die kerk se besluite oor selfdegeslagverhoudinge, oor die Teologiese Dag op Stellenbosch, oor die NG Kerk se verhoudinge met die Gereformeerde Kerke in Suid-Afrika – en nog heelwat meer.

Lees in die Maart-uitgawe van LiG ...

In die Maart-LiG vloeï ons harte oor van hoop! Ons ry saam op 'n boeke-bus wat hoop vir kinders bring. En vertel van 'n ouma wat deur haar seun se dood en haar eie kanker steeds sê: "God is goed!"

Hanna Grobler en Liza Brönnertel dat hul vriendskap 'n seën van God is. Predikant, Jaco Strydom, inspireer ons om te lééf soos ons glo.

Vir ouers is daar uitstekende raad oor hoe om vir jou kind 'n emosionele woordeskat aan te leer; oor die verhouding tussen jou en jou kind se onderwyser; en hoe om jou tiener met jou te laat praat.

Ons ondersoek hoe om depressie by bejaardes te hanteer. En kyk wat God se idee met die huwelik is.

Lees ook van hoopgewers deur die geskiedenis, en van Jesus – ons "Lewende hoop".

Jongste Bybelkor-publikasie



Volhoubare Missionale Kerkwees Gespreksbord - Hierdie gespreksbord is die ideale hulpmiddel vir die leierskap in gemeentes wat nuut oor volhoubare missionale kerkwees wil dink.

Eerstens help dit deelnemers om bewus te raak van die huidige funksionering van hulle gemeente en die bedieningskeuses wat daaragter lê.

Tweedens sluit dit vir hulle moontlikhede oop wat binne ons huidige kerkreg aanvaarbaar is. Dit maak gelowiges se verbeelding los oor hoe hulle hulle as 'n plaaslike gemeente nuut kan posisioneer om aan God se groot beweging in die wêreld deel te neem.

Let daarop:

- Hierdie produk vorm deel van 'n gefasiliteerde proses. Dit is ontwikkel saam met Communitas se fasiliteerders.
- Ons beveel aan dat gemeentes wat die gespreksbord wil aankoop eers met Communitas skakel om seker te maak dié hulpmiddel sal vir hulle bruikbaar wees.

Prys: **R250,00** (BTW en posgeld in SA ingesluit).

Inligting, Navrae en Diensverskaffing:

- Skakel 0860 26 33 42 óf 021 864 8210
- Of stuur jou bestelling per e-pos na: bestel@bmedia.co.za
- Of koop met jou kredietkaart op die webtuiste: www.bybelmedia.org.za, klik dan op winkel, óf tik die produknaam in.

[Terug](#)

Excelsus: Publieke lesing: Dr Michael Monyagh

23 Februarie 2018

Publieke lesing: Dr Michael Monyagh

Stuur hierdie vorm aan Rika van Rensburg, e-pos: excelsus@up.ac.za

INSKRYWINGSVORM

Persoonlike inligting	Van		
	Naam		
	Instelling of gemeente		
	E-pos		
	Kontaknommers	Sel	Telefoon

Registrasie	Fooi	R50,00 per persoon betaalbaar met registrasie by die geleentheid - Studente - gratis
	Kursus	Publieke lesing: Dr Michael Monyagh
	Kursusdatum	23 Februarie 2018 (09:00 – 12:00)
	Plek van aanbieding	Euufeessaal/Centenary Hall (Kamer 2-10) Fakulteit Teologie en Religie/Faculty of Theology and Religion
	Sluitingsdatum	20 Februarie 2018

Dr Michael Monyagh

Revd Dr Michael Moynagh, based at Wycliffe Hall, Oxford, works for Fresh Expressions as Director of network development and Consultant on theology and practice. He is responsible for facilitating the development of networks of individuals leading fresh expressions of church, as well as drawing together and reflecting on all that is being learnt about fresh expressions of church. He also has a watching brief on theological education and research. He is the author of various books, including *Church for every context* and *Being church, doing life*.

He will present a public lecture in two sessions at the Faculty of Theology and Religion.

For more information contact prof. dr. Nelus Niemandt at nelus.niemandt@up.ac.za

[Terug](#)

Excelsus: Hermeneutiek Konferensie

5-6 Maart 2018

Hoe verstaan ek wat ek lees?

Die Bybel is die Woord van God. So bely ons almal wanneer ons Belydenis van Geloof aflê. Wat presies beteken dit? Is elke woord in die Bybel op die klank af letterlik God se Woorde met Goddelike gesag? Indien wel, wat is die implikasies daarvan? Indien nie, wat sou dán die gevolge daarvan wees? Hoekom verstaan ons almal nie dit wat ons in die Bybel lees dieselfde nie? Ons sê ons glo in dieselfde Here, het dieselfde Bybel en Belydenisskrifte, en tog interpreteer ons tekste verskillend. Die navorsingsveld van die Hermeneutiek het ten doel om antwoorde op hierdie vrae te soek en na te vors.

Die Taakspan vir Leer en Aktuele Sake is deur die Goudland Sinode versoek om aandag aan Hermeneutiek te gee. Hierdie saak is altyd van kardinale belang en dit behoort beslis 'n hoë prioriteit by elke Predikant, wat daagliks met God se Woord besig is, en die Woord van God verantwoordelik moet verkondig, te wees, selfs al beskou jy nie jouself as 'n dogmatoloog of 'n sistematiese teoloog nie.

Daar is ook besluit om die konferensie in samewerking met die Taakspan vir Predikantebediening, wat jaarliks in Maart 'n Sinodale Predikantekonferensie hou, aan te bied. Daarom word u uitgenooi om 5-6 Maart 2018 by die natuurskone Vaal de Siolah by Parys saam met ons hieroor te kom nadink en ook 'n gespreksgenoot op die reis na groter helderheid en eenheid, te midde van die diversiteit in die Kerk te probeer bewerkstellig. Daar sal selfs **12 VBO** punte beskikbaar wees vir elke konferensieganger!

Doel van die konferensie:

- ✓ Om Hermeneutiek die kernfokus van die konferensie te maak.
- ✓ Om in gewone Afrikaans hierdie ingewikkelde saak soos verstaanbaar moontlik vir elkeen te probeer maak.

- ✓ Om vraagstukke met verdelende potensiaal, wat die aandag kan aflei van Hermeneutiek, doelbewus nie in die visier te laat kom nie.
- ✓ Om 'n sinvolle gespreksplatform daar te stel, wat die geleentheid bied om deur middel van 'n mediator, onderlinge verskille met respek, begrip en fyn aanvoeling deur almal aan te hoor en te bespreek, sonder etikettering, karikaturisering en taktlose belediging.
- ✓ Om met opregte belangstelling na mekaar te luister en nie om mekaar te probeer oortuig van bepaalde opinies, sienswyses, paradigmas of metodiek nie.
- ✓ Om kennis te neem van "nuwe" ontwikkelinge op Hermeneutiese gebied en die waardetoevoeging daarvan te probeer bepaal, sonder om die "ouer" beginsels, wat steeds waardevol mag wees, prys te gee.
- ✓ Om 'n groter probleembewussyn te kweek.
- ✓ Om al meer krities en eerlik met ons eie Hermeneutiese gereedskap en prosesse te wees.
- ✓ Om die wiede aan die rol te sit vir voortgesette, sinvolle, respekvolle gespreksvoering in ons Sinode, Streke, Ringe én veral Gemeentes.
- ✓ Om die ingewikkelde relasie tussen diversiteit en eenheid beter te probeer verstaan en in die toekoms meer sinvol te hanteer.
- ✓ Om waarde toe te voeg aan elke Predikant se eie omgang met die Skrif, in stiltetyd, opstel van Bybelstudies, sowel as in die preekmaakproses.
- ✓ Om vas te stel hoe 'n Missionale Kerk se missionale hermeneutiek behoort te funksioneer.

Formaat van die konferensie:

- ✓ Die konferensie neem die formaat aan van 'n twee-dag lange konferensie waartydens oorgeslaap kan word.
- ✓ Die gesprekke moet deurlopend gefasiliteer word deur 'n gesprekleier, wat as mediator sal optree en wat die ooreengekome gesprekreëls sal toepas. Hierdie persoon moet ook toesien dat die gesprekke ordelik en met respek teenoor mekaar se opinies geskied. Asook om genoegsame geleentheid aan elke konferensieganger te bied om standpunte te stel en vrae te vra, sonder om mekaar in die rede te val of om mekaar af te skiet.
- ✓ Daar sal **TWEE** gesprekinleiers wees, wat ter wille van gesonde balans, nie noodwendig met mekaar oor alles sal saamstem nie en verskillende kante van die saak te kan verteenwoordig. Daarna sal ruim geleentheid vir vrae en besprekings oor die onderwerp wat bespreek word, gegun word.
- ✓ Elke gesprekinleier word versoek om teen 15 Februarie 2018 hulle voordrag skriftelik vooraf beskikbaar te stel, sodat elke konferensieganger voor die tyd genoeg ruimte vir eie voorbereiding, nadenke en navorsing kan hê.
- ✓ Lede van die Taakspan vir Leer en Aktuele Sake sal elke dag open en afsluit met gepaste Skriflesing en gebed.

Inhoud van die konferensie:

Dag 1: Skrifinterpretasie, Skrifgesag en Hermeneutiek:

'n Gesprek oor die rol van Hermeneutiek in Skrifinterpretasie en Skrifgesag, ingelei deur dr. Chris van Wyk en dr. James Kirkpatrick. Hulle sal ook die begripsverheldering hanteer en vrae soos:

1. Wat is Hermeneutiek?
2. Watter historiese ontwikkelinge het Hermeneutiek alreeds ondergaan?
3. Watter vertrekpunte, gereedskap en prosesse word in Hermeneutiek gebruik?
4. Hoe sou 'n "Gereformeerde Hermeneutiek" en 'n "Missionale Hermeneutiek" moontlik kan lyk? ens. aan die orde stel.

Dag 2: Verdere Gespreksvoering en Aktualisering:

'n Praktiese toepassing van die Hermeneutiese gereedskap en prosesse wat tydens die konferensie bespreek, of selfs ontdek is, in die maak van 'n preek oor Galasiërs 5:13-26.

Die Konferensie sal DV gehou word te Vaal de Siolah op die Venterkroon pad, net buite Parys, langs die Vaal Rivier. Die Sinode subsidieer die konferensie gedeeltelik om dit vir elke predikant van Goudland Sinode so maklik as moontlik te maak om dit by te woon. Dit sal slegs R400.00 per persoon vir die 2 dae beloop, wat slaapplek en etes insluit. Ons hoop en vertrou dat al die predikante die belangrikheid hiervan sal beseef en moeite sal doen om dit by te woon en dat hulle Kerkrade dit vir hulle moontlik sal maak.

Aangesien dit belangrik is om getalle te bepaal, versoek ons vriendelik, maar dringend: bespreek asseblief sommer vandag nog, maar op die laaste voor 5 Februarie 2018, jou plek deur die onderstaande inskrywingsvorm aan Hermien te epos: volbring@ngkgoudland.org.za as u dit nog nie gedoen het nie.

Predikante uit ander Sinodale Streke wat ook graag die Hermeneutiek Konferensie wil bywoon, is meer as welkom, maar sal R800 moet opdok.

Die inskrywingsfooi van R400 (Goudland Sinode) of R800 (Alle ander Sinodale Streke) moet asseblief voor 5 Februarie 2018 inbetaal word in die volgende bankrekening:

ABSA: NG Kerk Sinode Wes
 Takkode: 632005
 Tjekrekening: 1420146708
 Verwysing: 3465/001 + naam

Hermeneutiek Konferensie: 5-6 Maart 2018

Inskrywingsvorm:

Titel: _____	Naam: _____	Van: _____
Tel: _____	Sel: _____	
Epos: _____		
Gemeente: _____		
Ring: _____		
Streek: _____		
Streek Sinode indien nie Goudland nie: _____		
Dieet Voorkeure: _____		
Slaapplek Voorkeure: _____		
Ander Voorkeure: _____		
Opmerkings: _____		

[Terug](#)

Excelsus - Simposium: Tom Long

19-20 Maart 2018

Dr. Thomas Grier Long is the Bandy Professor of Preaching at Candler School of Theology at Emory University in Atlanta, Georgia. He received his Ph.D. from Princeton Theological Seminary in 1980. He began his career as a preacher at McElroy Memorial Associate Reformed Presbyterian Church near Atlanta, Georgia and since that time has taught at a number of seminaries, including Erskine, Columbia, Princeton, and Candler.

In 1996, Dr. Long was named one of the twelve most effective preachers in the English speaking world by Baylor University, along with the likes of Fred Craddock, Billy Graham, James Forbes, Barbara Brown Taylor and William Willimon. He was ordained in the Associate Reformed Presbyterian Church and currently a minister in the Presbyterian Church (U.S.A.). He is married to professor of sacramental and liturgical worship Kimberly Bracken Long.

Dr. Long's field is in Homiletics and is a strong proponent of the two pillars of preaching: strong exegetical work held alongside with strong presentation skills. Preaching magazine named his Witness of Preaching one of the 25 most influential books on preaching in the past 25 years.[1] A standard textbook in seminary and undergraduate preaching courses, the book advocates exegetical method seeking to discern a claim from the text to provide clarity of focus and function in sermons.

Stuur hierdie vorm saam met bewys van betaling aan Rika van Rensburg, e-pos: excelsus@up.ac.za

INSKRYWINGSVORM		
Persoonlike inligting	Naam	
	Van	
	Instelling of gemeente	
	E-pos	
	Kontaknommer (Selfoon)	

Registrasie	Fooi	R480,00 per persoon
	Kursus	Simposium: Tom Long
	Kursusdatum	19-20 Maart 2018 (09:00 – 16:00)
	Plek van aanbidding	NG Kerk Suidoos-Pretoria, (Stellastraat)
	Sluitingsdatum	14 Maart 2018
Instruksies	Vorm	Stuur bewys van betaling aan excelsus@up.ac.za
	Verwysing	VBO gevolg deur u voorletters en van
	Bevestiging	Ontvangs van inskrywings geskied per e-pos. Kontak Rika van Rensburg vir navrae by 012 420 6738 (08:00 – 13:00)

Bankbesonderhede vir elektroniese betalings:

Bank: ABSA
 Naam van rekening: TSO
 Rekeningnommer: 142 0830 463
 Takkode: 632005
 Tak: PRETORIA

[Terug](#)

Missionale gemeentebou en jeugbediening Studietoer 12 na die VSA

Onder leiding van Malan Nel
 Datum: **26 Oktober – 21 November**

Kan ons iets by gemeentes in die VSA leer?

Ek antwoord hierdie vraag sedert 1986 toe die eerste studietoer met 49 predikante begin het. Na oorlegpleging met kollegas wat al saam met my op toer was, gaan ek probeer vir nommer 12. Dit is DV. beslis my laaste een wat ek self lei. Hierdie kennisgewing, is om jou genoeg tyd te gee om te spaar en jou studieverlof te beplan. Ek is oortuig dat dit een van die rykste ervarings van jou bediening kan wees - soos vir die ongeveer 200 (+) pastors wat al op so 'n studietoer was. Een van hulle skryf: Ek beveel die studietoer na die VSA vir predikante en gemeente leiers sterk aan. Dit is 'n uiters leersame geleentheid waartydens deelnemers blootgestel word aan die insigte van leidende teoloë en gemeentes op die terrein van leierskap en missionale kerk wees. My ervaring is dat dit my gehelp het om 'n kosbare netwerk te vorm met skerp denkers oor een van die heel belangrikste uitdagings waarvoor die kerk staan. Dit het my siening van die aard van 'n gemeente in 'n vars, nuwe rigting gevorm en is een van die kosbare herinnerings in my bediening (Prof Nelus

Niemandt, Na 2004 toer en toe nog as predikant, NG Gemeente Weltevredenpark). En skryf Anton Fick (Constantia Kruin): Ek het die voorreg gehad om twee toere saam met oom Malan te kon beleef. Die toere het my visie, kennis en energie vir die bediening drasties verhoog! Die saampraat, akademiese verryking en nuwe vriende wat gemaak word, is elke sent werd! Belê nou in jou bediening...jy sal nooit spyt wees nie!

Besoeke aan:

- 13 diverse missionale gemeentes (gevestig en 'emerging') met, in die meeste gevalle, 2-3 uur seminaar insette van hulle leiers;
- 10 (+) teoloë van 5 van die bekendste teologiese inrigtings in die VSA en konsultante soos Ken Callahan. (In 2016 het meer as 100 persone insette aan die groep gelewer);
- Van die VSA se bekendste besienswaardighede in 8 stede landwyd (hierdie keer ook hele oggend by die 'South Rim', Grand Canyon) kan mos niemand onaangeraak laat nie. Voeg hierby byna daaglikse evaluering en gesprekke as toergroep!

Ek is oortuig dat breë en gebalanseerde blootstelling van groot belang is wanneer iemand die VSA besoek. Eensydige en ongebalanseerde blootstelling in so 'n groot land is maklik.

Vir meer inligting oor hierdie toer kontak Malan Nel by malannelup@gmail.com.

[Terug](#)
